

**INTERNACIONALNI BURČ UNIVERZITET
INTERNATIONAL BURCH UNIVERSITY**



PRAVILNIK O STIPENDIRANJU STUDENATA

RULE BOOK ON AWARDING SCHOLARSHIPS TO STUDENTS

Sarajevo, januar 2020.

Na osnovu člana 129. Zakona o visokom obrazovanju ("Službene novine Kantona Sarajevo" br. 33/17), na prijedlog Rektora i Studentskog parlamenta Univerziteta, Upravni dobor visokoškolske ustanove Internacionalni Burč univerzitet - International Burch University, na LXVII sjednici, održanoj dana 14.01.2020. godine, usvojio je sljedeći

**PRAVILNIK O STIPENDIRANJU STUDENATA NA VISOKOŠKOLSKOJ
USTANOVI INTERNACIONALNI BURČ UNIVERZITET – INTERNATIONAL
BURCH UNIVERSITY**

1. OPĆE ODREDBE

Član 1.

- (1) Ovim Pravilnikom propisuju se osnovi, kriteriji i pravila dodjeljivanja prava na stipendiju u vidu popusta na školarinu studentima I, II i III ciklusa studija visokoškolske ustanove Internacionalni Burč univerzitet (u daljem tekstu: Univerzitet), odnosno prava i obaveze Univerziteta i studenata kao korisnika stipendija.
- (2) Pravo na određeni procenat stipendije, odnosno popusta na školarinu imaju domaći i strani državljani bez razlika u osnovima za sticanje stipendije.

Član 2.

- (1) Sredstva za stipendiranje studenata obezbjeđuje Univerzitet iz vlastitog budžeta, kao i donacijama partnerskih ustanova i organizacija.
- (2) Stipendija koja se dodjeljuje studentu ne uključuje sljedeće troškove:
 - a) troškovi za smještaj, ishranu, prijevoz, školski pribor,
 - b) kupovina ili iznajmljivanje knjiga,
 - c) troškovi hemijskih supstanci i drugih potrebnih uređaja za vršenje eksperimentalnih radova,
 - d) troškovi učešća u raznim kursevima i obukama za koje se dobijaju posebni certifikati i koji nisu dio redovne nastave,
 - e) troškovi izleta i ekskurzija,
 - f) upisni materijal, uvjerenja o statusu studenta i položenim ispitima,
 - g) troškovi naknade informacionog sistema i informacione infrastrukture na Univerzitetu,
 - h) troškovi raznih potvrda koje se izdaju na zahtjev studenata,
 - i) troškovi registracije predmeta za gostujuće studente za dodiplomski i postdiplomski studij,
 - j) troškovi za studentske kartice,
 - k) troškovi izrade diploma za sve cikluse studija,
 - l) troškovi registracije, organizacije i rada parcijalnog ispita za vrijeme popravnih i septembarskih ispitnih rokova,
 - m) troškovi participacije u ceremoniji promocije diplomanata,
 - n) troškovi odobravanja zahtjeva za mirovanje prava i obaveza,
 - o) troškovi za propuštenu registraciju/ovjeru tekućeg semestra nakon prve tri sedmice od početka nastave,
 - p) troškovi za propuštanje registracije/ovjere proteklog semestra,
 - q) troškovi priznavanja pojedinačnih predmeta za transfer studente,

- r) troškovi odobravanja zahtjeva za nastavak studija u okviru drugog odsjeka na Univerzitetu (interni transfer)
- s) troškovi akreditacije Univerziteta,
- t) troškovi ispisa sa Univerziteta.
- u) drugi troškovi regulisani odlukom Upravnog odbora o visini cijena usluga i drugih troškova na Univerzitetu.

2. OSNOVI ZA DODJELJIVANJE STIPENDIJE / POPUSTA ZA ŠKOLARINU

A. Prvi ciklus studija

Član 3.

Za studente prvog ciklusa studija, Univerzitet dodjeljuje pravo na stipendiju i utvrđuje visinu ulazne stipendije po sljedećim osnovima:

- a) prijemni ispit za stipendije;
- b) uspjeh u srednjoškolskom obrazovanju;
- c) uspjeh u naučnim, umjetničkim, kulturnim i drugim društvenim aktivnostima u toku trajanja srednjoškolskog obrazovanja;
- d) uspjeh u sportskim aktivnostima;
- e) period potpisivanja predugovora o studiranju na Univerzitetu;
- f) drugi relevantni osnovi za utvrđivanje ulazne stipendije.

Član 4.

- (1) Primarni kriterij za dodjeljivanje ulazne stipendije je prijemni ispit na osnovu kojeg kandidat može osvojiti maksimalnih 100% stipendije.
- (2) Određivanje procenta stipendije na osnovu prijemnog ispita za svaki studijski odsjek regulira se na sljedeći način:
 - a) prvo mjesto - stipendija u punom iznosu školarine od 100%
 - b) drugo mjesto - stipendija u iznosu školarine od 90%
 - c) treće mjesto - stipendija u iznosu školarine od 80%
 - d) četvrto mjesto - stipendija u iznosu školarine od 70%
 - e) peto mjesto - stipendija u iznosu školarine od 60%
 - f) šesto do dvadesetog mjesta - stipendija u iznosu školarine 40%
 - g) dvadeset prvo do četrdesetog mjesta - stipendija u iznosu školarine 30%
 - h) četrdeset prvo do šezdesetog mjesta - stipendija u iznosu školarine 20%
 - i) šezdeset prvo do osamdesetog mjesta - stipendija u iznosu školarine 10%
 - j) osamdeset prvo mjesto i dalje - stipendija u iznosu školarine od 5%.
- (3) Za kandidate koji su na prijemnom ispitu osvojili manje od 80% stipendije, maksimalan iznos stipendije u zbiru sa ostalim osnovima iz ovog Pravilnika može iznositi 80%.
- (4) Univerzitet organizira prijemni ispit za stipendije u toku ljetnog semestra svake godine za učenike završne godine srednjih škola, kao i kandidate koji su srednju školu okončali u ranijim godinama.
- (5) Detalji o organizaciji prijemnog ispita objavljuju se na internet stranici Univerziteta.

Član 5.

(1) U pogledu visine popusta na školarinu, odnosno stipendije koju kandidat može dobiti na osnovu pojedinačnih kriterija iz člana 3. ovog Pravilnika, procenat dodjele popusta na školarinu / stipendije reguliše se na način kako slijedi:

a) prijemni ispit za stipendije

- Procenat stipendije po ovom osnovu zavisi od broja bodova osvojenih na prijemnom ispitu i određuje se u rasponu od 5% do 100%;

b) uspjeh u srednjoškolskom obrazovanju

- Procenat stipendije po ovom osnovu zavisi od ukupne prosječne ocjene u srednjoj školi i utvrđuje se u sljedećim rasponima:
 - 10% stipendije za ukupnu prosječnu ocjenu od 4,9 do 5,0;
 - 5% stipendije za ukupnu prosječnu ocjenu 4,5 do 4,89;

c) uspjeh u naučnim, umjetničkim, kulturnim i drugim društvenim aktivnostima u toku trajanja srednjoškolskog obrazovanja

- Procenat stipendije po ovom osnovu utvrđuje se u svakom pojedinom slučaju, a maksimalno može iznositi do 30%;

d) uspjeh u sportskim aktivnostima

- Procenat stipendije po ovom osnovu utvrđuje se u svakom pojedinom slučaju, a maksimalno može iznositi do 20%;
- Izuzetak: kandidati koji apliciraju za sportsku stipendiju prema preporuci košarkaškog kluba Univerziteta u kojem slučaju visina stipendije po osnovu sporta može iznositi do 50%;

e) period potpisivanja predugovora o studiranju na Univerzitetu

- Procenat stipendije po ovom osnovu utvrđuje se na sljedeći način:
 - ako je predugovor o studiranju potpisan u periodu od 1. do 30. aprila tekuće godine za novu akademsku godinu, kandidat stiče pravo na 10% stipendije;
 - ako je predugovor o studiranju potpisan u periodu od 1. maja do početka zvaničnog upisa na Univerzitet za novu akademsku godinu, kandidat stiče pravo na 5% stipendije;

f) drugi relevantni osnovi za utvrđivanje ulazne stipendije

- Procenat stipendije po ovom osnovu može se dodijeliti kandidatu u slučaju da isti ima dodatne uspjehe, priznanja i nagrade koji nisu uračunati pri dodjeli stipendije po jednom od prethodnih osnova i može iznositi maksimalno do 10%.

(2) Diplomanti srednjih škola u okviru privatne ustanove Richmond Park Education (RPE) imaju pravo na 20% ulazne stipendije. Izuzetno, u slučaju da diplomant RPE srednje škole na prijemnom ispitu osvoji više od 20% stipendije, isključuje se mogućnost sabiranja ovih kriterija, već se ulaznom stipendijom smatra procenat osvojen na prijemnom ispitu.

(3) Studenti koji su registrovani kao članovi/igrači univerzitetskog košarkaškog kluba imaju obavezu nastupati za klub za vrijeme trajanja studija na Univerzitetu.

(4) Ukoliko student/član košarkaškog kluba napusti klub u toku trajanja studija, Univerzitet zadržava pravo da mu postojeću stipendiju umani prema sljedećim pravilima:

a) student nosilac stipendije do 40%: stipendija se umanjuje za 5%;

b) student nosilac stipendije od 45 do 65%: stipendija se umanjuje za 10%;

- c) student nosilac stipendije od 70 do 100%: stipendija se umanjuje za 20%.

B. Drugi ciklus studija

Član 6.

Za studente drugog ciklusa studija, Univerzitet dodjeljuje pravo na stipendiju i utvrđuje visinu ulazne stipendije po sljedećim osnovima:

- a) intervju kandidata sa predstavnicima studijskog odsjeka;
- b) uspjeh u okviru prvog ciklusa studija;
- c) period potpisivanja predugovora o studiranju na Univerzitetu;
- d) drugi relevantni osnovi za utvrđivanje ulazne stipendije.

Član 7.

(1) Maksimalan iznos stipendije za studente drugog ciklusa studija može iznositi do 80%, a procenat dodjele stipendije prema pojedinačnim osnovima reguliše se na sljedeći način:

a) Intervju kandidata sa predstavnicima studijskog odsjeka

- Procenat stipendije po ovom osnovu dodjeljuje se na osnovu ukupne stručne i profesionalne ocjene kandidata i iznosi maksimalno 20%;

b) Uspjeh u okviru prvog ciklusa studija

- Procenat stipendije po ovom osnovu zavisi od ukupne prosječne ocjene na dodiplomskom studiju i utvrđuje se u sljedećim rasponima:
 - 20% stipendije za ukupnu prosječnu ocjenu od 9,50 do 10;
 - 15% stipendije za ukupnu prosječnu ocjenu od 9,0 do 9,49;
 - 10% stipendije za ukupnu prosječnu ocjenu 8,0 do 8,99;
 - 5% stipendije za ukupnu prosječnu ocjenu od 7,0 do 7,99;

c) Period potpisivanja predugovora o studiranju na Univerzitetu

- Procenat stipendije po ovom osnovu utvrđuje se na sljedeći način:
 - ako je predugovor o studiranju potpisan u periodu od 1. maja ili ranije do 15. juna tekuće godine za novu akademsku godinu, kandidat stiče pravo na 10% stipendije;
 - ako je predugovor o studiranju potpisan u periodu od 16. juna do početka zvaničnog upisa na Univerzitet za novu akademsku godinu, kandidat stiče pravo na 5% stipendije;

d) Drugi relevantni osnovi za utvrđivanje ulazne stipendije

- Procenat stipendije po ovom osnovu u visini do maksimalno 30% može se dodijeliti kandidatu u slučaju da isti ima određene akademske, profesionalne ili sportske uspjehe i priznanja, odnosno ukoliko doprinosi radu odsjeka ili Univerziteta u akademskim, projektnim, promotivnim ili drugim aktivnostima, ali ukupna stipendija u zbiru sa ostalim kriterijima ne može iznositi više od 80%.

(2) Za studijske programe drugog ciklusa studija za koje se utvrde posebne cijene, ne primjenjuje se sistem stipendiranja iz ovog Pravilnika, već studenti plaćaju fiksnu cijenu studija, osim za slučajeve iz člana 10. ovog Pravilnika.

- (3) Diplomanti studijskih programa u okviru Internacionalnog Burč univerziteta imaju pravo na 20% početne ulazne stipendije uz osnove iz stava (1) ovog člana.

C. Treći ciklus studija

Član 8.

Za studente trećeg ciklusa studija, Univerzitet dodjeljuje pravo na stipendiju i utvrđuje visinu ulazne stipendije po sljedećim osnovima:

- a) intervju kandidata sa predstavnicima studijskog odsjeka; i
- b) uspjeh u okviru prvog i drugog ciklusa studija.

Član 9.

Maksimalan iznos stipendije za studente trećeg ciklusa studija može iznositi do 50%, a procenat dodjele stipendije prema pojedinačnim osnovima reguliše se na sljedeći način:

a) Intervju kandidata sa predstavnicima studijskog odsjeka

- Procenat stipendije po ovom osnovu dodjeljuje se na osnovu ukupne stručne i profesionalne ocjene kandidata i iznosi maksimalno 15%;

b) Uspjeh u okviru drugog ciklusa studija

- Procenat stipendije po ovom osnovu zavisi od ukupne prosječne ocjene na magistarskom studiju i utvrđuje se u sljedećim rasponima:
 - 15% stipendije za ukupnu prosječnu ocjenu od 9,50 do 9,99 na
 - 10% stipendije za ukupnu prosječnu ocjenu od 9,0 do 9,49
 - 5% stipendije za ukupnu prosječnu ocjenu 8,0 do 8,99.

e) Drugi relevantni osnovi za utvrđivanje ulazne stipendije

- Procenat stipendije po ovom osnovu u visini do maksimalno 20% može se dodijeliti kandidatu u slučaju da isti ima određene akademske, profesionalne ili sportske uspjehe i priznanja, odnosno ukoliko doprinosi radu odsjeka ili Univerziteta u akademskim, projektnim, promotivnim ili drugim aktivnostima, ali ukupna stipendija u zbiru sa ostalim kriterijima ne može iznositi više od 50%.

D. Posebni osnovi za dodjelu stipendije / popusta na školarinu

Član 10.

(1) Pored osnova za dodjelu stipendije u članovima 3. do 9. ovog Pravilnika, predviđeni su i posebni osnovi za dodjelu stipendija bez obzira na kriterije utvrđene u prethodnim odredbama, i to za sljedeće kategorije:

- a) uposlenici¹ Univerziteta – pravo na 50% ulazne stipendije za sve cikluse studija;
- b) članovi porodice uposlenika Univerziteta, članovi porodice i uposlenici institucija u okviru osnivača Univerziteta – pravo na 50% ulazne stipendije za sve cikluse studija;
- c) uposlenici partnerskih institucija i organizacija Univerziteta – pravo na 50% ulazne stipendije za sve cikluse studija;

¹ Pod uposlenicima Univerziteta se podrazumijevaju radnici koji imaju zaključen ugovor o radu sa Univerzitetom, vanjski saradnici i stručnjaci iz prakse.

- d) dobitnik zlatne značke Univerziteta na prvom ciklusu studija – pravo na 100% ulazne stipendije za magistarski studij;
 - e) dobitnik priznanja „student generacije“ na jednom od fakulteta Internacionalnog Burč univerziteta na prvom ciklusu studija – pravo na 80% ulazne stipendije za magistarski studij;
 - f) student angažovan u svojstvu demonstratora – pravo na maksimalnih 80% stipendije sukladno broju sati u nastavi.
- (2) Bivši uposlenici Univerziteta čiji studij traje i nakon napuštanja radnog mjesta, imaju pravo zadržati ulaznu stipendiju na Univerzitetu.
 - (3) Apliciranje za stipendiju po posebnoj osnovi u skladu sa odredbama ovog člana isključuje mogućnost dobijanja dodatnog procenta stipendije po redovnim osnovama iz člana 3. do 9. ovog Pravilnika.
 - (4) Pravilo iz prethodnog stava ne ograničava kandidate iz stava (1) ovog člana da apliciraju za stipendiju po redovnoj proceduri u skladu sa ovim Pravilnikom, naročito ako na taj način mogu osvojiti veći procenat stipendije.

3. PRAVILA DODJELJIVANJA STIPENDIJA, PRAVA I OBAVEZE STUDENATA

Član 11.

Kandidatu koji aplicira za upis, Univerzitet može dodijeliti određeni procenat stipendije po jednom ili kombinacijom više osnova iz ovog Pravilnika ovisno o ciklusu studija.

Član 12.

- (1) Studenti prvog i drugog ciklusa studija koji su ostvarili pravo na stipendiju imaju obavezu da, u slučaju ukazane potrebe, obavljaju određene vannastavne, praktične i druge aktivnosti u utvrđenom sedmičnom fondu sati, a sve u cilju njihovog naučnog i stručnog usavršavanja, kao i obavezu da održavaju određeni prosjek ocjena na odgovarajućem ciklusu studija.
- (2) Evidencija o obavljanju aktivnosti iz prethodnog stava vršit će se na posebnim obrascima koje propisuje Univerzitet, a nadzor nad provođenjem aktivnosti i obaveza studenta vršit će odgovorno lice na nivou Univerziteta u saradnji sa odsjekom u okviru kojeg je student upisan.

Član 13.

- (1) U cilju zadržavanja ulazne stipendije na prvom ciklusu studija, student ima obavezu da postiže odgovarajući prosjek ocjena, položi dovoljan broj predmeta i ostvari predviđeni broj bodova za vannastavne aktivnosti, odnosno angažman u projektima od značaja za Univerzitet.
- (2) Pri utvrđivanju visine stipendije za svaku narednu godinu, u obzir se uzima aritmetički prosjek ocjena i broj bodova za vannastavne aktivnosti iz prethodne akademske godine.
- (3) Obaveze studenata – korisnika stipendija u pogledu potrebnog prosjeka ocjena, broja položenih predmeta i broja bodova za vannastavne aktivnosti utvrđene su sljedećim tabelama:

A. FAKULTET ZA EKONOMIJU I DRUŠTVENE NAUKE**a. Odsjek za menadžment****b. Odsjek za međunarodne odnose i evropske studije**

Procenat stipendije	Mogućnost prenošenja predmeta na narednu studijsku godinu	Aritmetički prosjek ocjena (minimalno)	Broj bodova za vannastavne aktivnosti
100%	0	9.0	40
90-95%	0	8.7	38
80-85%	1	8.4	36
70-75%	1	8.1	34
60-65%	2	7.8	32
50-55%	2	7.5	30
40-45%	3	7.2	28
30-35%	3	6.9	26
20-25%	/	/	/
10-15%	/	/	/
5%	/	/	/

B. FAKULTET ZA EDUKACIJU I HUMANISTIČKE NAUKE**a. Odsjek za engleski jezik i književnost****b. Studijski program Digitalne komunikacije i odnosi s javnošću**

Procenat stipendije	Mogućnost prenošenja predmeta na narednu studijsku godinu	Aritmetički prosjek ocjena (minimalno)	Broj bodova za vannastavne aktivnosti
100%	0	9.0	40
90-95%	0	8.7	38
80-85%	1	8.4	36
70-75%	1	8.1	34
60-65%	2	7.8	32
50-55%	2	7.5	30
40-45%	3	7.2	28
30-35%	3	6.9	26
20-25%	/	/	/
10-15%	/	/	/
5%	/	/	/

c. Studijski program Grafički dizajn i multimedija

Procenat stipendije	Mogućnost prenošenja predmeta na narednu studijsku godinu	Aritmetički prosjek ocjena (minimalno)	Broj bodova za vannastavne aktivnosti
100%	0	8.7	40
90-95%	0	8.4	38

80-85%	1	8.1	36
70-75%	1	7.8	34
60-65%	2	7.5	32
50-55%	2	7.2	30
40-45%	3	6.9	28
30-35%	3	6.6	26
20-25%	/	/	/
10-15%	/	/	/
5%	/	/	/

C. FAKULTET ZA INŽINJERING I PRIRODNE NAUKE

- a. Odsjek za arhitekturu
- b. Odsjek za genetiku i bioinženjering
- c. Odsjek za elektrotehniku
- d. Odsjek za informacijske tehnologije
- e. Studijski program Građevinarstvo

Procenat stipendije	Mogućnost prenošenja predmeta na narednu studijsku godinu	Aritmetički prosjek ocjena (minimalno)	Broj bodova za vannastavne aktivnosti
100%	0	8.7	40
90-95%	1	8.4	38
80-85%	1	8.1	36
70-75%	2	7.8	34
60-65%	2	7.5	32
50-55%	3	7.2	30
40-45%	3	6.9	28
30-35%	3	6.6	26
20-25%	/	/	/
10-15%	/	/	/
5%	/	/	/

- (4) U slučaju da student nije postigao predviđeni prosjek ocjena za održavanje ulazne stipendije, a ostvario je veći broj bodova za vannastavne aktivnosti od minimalno predviđenog, može zadržati postojeću stipendiju na način da se svakih dodatnih 5 bodova za vannastavne aktivnosti kompenzira sa 0,05 ocjene na postojeći prosjek ocjena.
- (5) Ako student postigne veći prosjek ocjena od predviđenog za održavanje ulazne stipendije, ali ne osvoji ni minimalan broj bodova za vannastavne aktivnosti, može zadržati postojeću stipendiju na način da se svakih 0,05 ocjene iznad potrebnog prosjeka kompenzira za 5 bodova vannastavnih aktivnosti, ali pod uslovom da time postignuti prosjek ocjena ne smanji ispod neophodnog minimuma za održavanje postojeće stipendije.

Član 14.

Ukoliko student – nosilac stipendije ne ispuni obaveze u pogledu parametara iz člana 13. i člana 16. ovog Pravilnika, postojeća stipendija / popust na školarinu umanjuje se prema sljedećim pravilima:

- a) studentu, nosiocu stipendije u iznosu od 90% do 100%, ista se umanjuje za 20% u narednoj akademskoj godini;
- b) studentu, nosiocu stipendije u iznosu od 70% do 85%, ista se umanjuje za 15% u narednoj akademskoj godini;
- c) studentu, nosiocu stipendije u iznosu od 50% do 65%, ista se umanjuje za 10% u narednoj akademskoj godini;
- d) studentu, nosiocu stipendije u iznosu od 30% do 45%, ista se umanjuje za 5% u narednoj akademskoj godini;
- e) studentu, nosiocu stipendije u iznosu od 5% do 25%, ne vrši se korekcija stipendije u toku trajanja odgovarajućeg ciklusa studija.

Član 15.

- (1) Student – nosilac stipendije u bilo kojem iznosu predviđenom u članu 13. i članu 16. ovog Pravilnika, ima pravo na uvećanje postojeće stipendije u sljedećim slučajevima:
 - a) ako u datoj akademskoj godini položi sve predmete sa minimalnom prosječnom ocjenom od 9,0 i osvoji broj bodova koji je neophodan za održavanje postojeće stipendije iz tabela u članu 13. ovog Pravilnika - postojeća stipendija se obavezno uvećava za 5%;
 - b) ako u datoj akademskoj godini položi sve predmete sa minimalnom prosječnom ocjenom od 9,3 i osvoji broj bodova koji je neophodan za održavanje postojeće stipendije iz tabela u članu 13. ovog Pravilnika - postojeća stipendija se obavezno uvećava za 10%;
 - c) ako u datoj akademskoj godini položi sve predmete sa minimalnom prosječnom ocjenom od 9,5 i osvoji broj bodova koji je neophodan za održavanje postojeće stipendije iz tabela u članu 13. ovog Pravilnika - postojeća stipendija se obavezno uvećava za 20%;
 - d) ako u datoj akademskoj godini položi sve predmete sa minimalnom prosječnom ocjenom od 10,0 i osvoji broj bodova koji je neophodan za održavanje postojeće stipendije iz tabela u članu 13. ovog Pravilnika - postojeća stipendija se obavezno uvećava za 30%.
- (2) Student koji aplicira za povećanje postojeće stipendije, a ne ispuni kriterij minimalnog prosjeka ocjena predviđenog u stavu (1) ovog člana, ima pravo na povećanje stipendije ukoliko položi sve predmete u tekućoj akademskoj godini i ostvari veći broj bodova za vannastavne aktivnosti od minimalno predviđenog, na način da se svakih dodatnih 5 bodova za vannastavne aktivnosti kompenzira sa 0,05 ocjene na postojeći prosjek ocjena.

Član 16.

Na studente – članove košarkaškog univerzitetskog kluba, pri obračunavanju prosjeka ocjena relevantnog za održavanje ulazne stipendije, primjenjuje se sljedeći bodovni sistem:

Procenat stipendije	Mogućnost prenošenja predmeta na narednu studijsku godinu	Aritmetički prosjek ocjena (minimalno)
100%	1	7.5
90-95%	1	7.2
80-85%	2	6.9
70-75%	2	6.6
60-65%	3	6.3
50-55%	3	6.0

40-45%	/	/
30-35%	/	/
20-25%	/	/
10-15%	/	/
5%	/	/

Član 17.

- (1) Sljedeće vannastavne aktivnosti i projekti od značaja za Univerzitet se smatraju relevantnim pri obračunu broja bodova iz tabela u članu 13. ovog Pravilnika:

Redni broj	Naziv aktivnosti/projekta/funkcije	Broj bodova na godišnjem nivou
1.	Osnivanje <i>Start Up</i> kompanije	25
2.	Plasman u finale univerzitetskog <i>Start Up</i> takmičenja	20
3.	Učešće u univerzitetskom <i>Start Up</i> takmičenju	5
4.	Učešće u izradi projekta, patenta, inovacije i naučne publikacije	5 do 20
5.	Učešće u nastavi u statusu demonstratora	10 do 20
6.	Učešće u nastavi u statusu saradnika laboratorije	10 do 20
7.	<i>Part-time</i> zaposlenje u struci vezanoj za studijski program	5 do 10
8.	Predsjedavanje studentskim klubom	20
9.	Obnašanje funkcije podpredsjednika u studentskom klubu	15
10.	Obnašanje druge izvršne ili tehničke funkcije u studentskom klubu	12
11.	Aktivno članstvo u studentskom klubu	10
12.	Pasivno članstvo u studentskom klubu	5
13.	Učešće u organizaciji naučnih skupova, takmičenja i drugih događaja od značaja za Univerzitet	5 do 20
14.	Priznanje za ostvareni uspjeh u oblasti nauke, kulture, umjetnosti i sporta izvan Univerziteta	5 do 20
15.	Članstvo ili učešće u radu studentskih i omladinskih organizacija, lokalnih ili međunarodnih naučnih, inovatorskih, kulturnih, umjetničkih ili sportskih organizacija izvan Univerziteta	5 do 10
16.	Učešće u promotivnim aktivnostima fakulteta ili Univerziteta	5 do 20
17.	Članstvo u skupštini studentskog parlamenta	10
18.	Članstvo u zvaničnim tijelima Univerziteta ispred studentskog parlamenta	5
19.	Predsjedavanje studentskim parlamentom	20
20.	Obnašanje pozicije sekretara studentskog parlamenta	10
21.	Obnašanje pozicije potpredsjednika studentskog parlamenta	5
22.	Učešće na studentskom simpoziju	5
23.	Erasmus razmjena	10

24.	Druge aktivnosti od značaja za Univerzitet	5
-----	--	---

- (2) Komisija za ocjenu stipendija iz člana 23. ovog Pravilnika utvrđuje tačan broj bodova po svakoj aktivnosti na osnovu elektronske evidencije koju svaki student lično popunjava u informacionom sistemu Univerziteta i to najkasnije do završetka popravnih ispita u ljetnom ispitnom terminu.
- (3) Studenti koji unesu lažne podatke o vannastavnim aktivnostima u informacioni sistem Univerziteta podliježu disciplinskoj odgovornosti.

Član 18.

- (4) Student koji je ostvario pravo na stipendiju, a polaznik je Pripreme škole engleskog jezika, zadržava ulaznu stipendiju za prvu godinu pohađanja Pripreme škole.
- (5) Ukoliko student iz prethodnog stava ne položi završni test u okviru Pripreme škole na kraju drugog semestra, ulazna stipendija se umanjuje za iznos od 20%.

Član 19.

Studentu – nosiocu stipendije protiv kojeg je vođen disciplinski postupak i konačnom odlukom nadležnog tijela utvrđena disciplinska odgovornost, umanjuje se stipendija ovisno od težine disciplinske povrede i to:

- a) ako se radi o lakšoj disciplinskoj povredi, studentu se umanjuje stipendija u iznosu do 10%;
- b) ako se radi o težoj disciplinskoj povredi, studentu se umanjuje stipendija u iznosu do 20%.

Član 20.

- (1) Studenti koji se upišu na Univerzitet putem prelaza sa drugog univerziteta (transfer studenti), imaju pravo na ulaznu stipendiju u skladu sa brojem preostalih semestara potrebnih za završetak odgovarajućeg ciklusa studija na Univerzitetu.
- (2) Za studente iz prethodnog stava, Univerzitet zadržava pravo da odredi stipendiju u sljedećim iznosima:
- a) do 40% za studente završne godine studija;
 - b) do 30% za studente druge godine studija trogodišnjeg programa i druge i treće godine studija četvorogodišnjeg programa;
 - c) do 20% za studente prve godine studija.

Član 21.

Studenti drugog i trećeg ciklusa studija zadržavaju ulaznu stipendiju u toku trajanja studija na Univerzitetu.

Član 22.

- (1) Ako student ne okonča studijski program u predviđenom periodu trajanja I, II ili III ciklusa studija, troškovi preostalog trajanja studija reguliraju se na sljedeći način:
- a) Dodiplomski studij – ako student ima manje od 30 ECTS bodova do okončanja studija, plaćanje školarine za preostale predmete vrši se prema broju ECTS bodova,

tako da za svaki preostali ECTS bod cijena iznosi 100,00 KM. Izuzetno, student ima pravo platiti školarinu za preostali semestar uz uračunavanje postojeće stipendije ukoliko mu je takvo izmirenje školarine finansijski povoljnije;

- b) Magistarski studij - u slučaju da magistarski rad nije odbranjen u roku predviđenom studijskim programom, za svaki sljedeći semestar cijena registracije semestra se plaća u fiksnom iznosu od 1.000,00 KM;
 - c) Magistarski studij – u slučaju da magistarski projekat nije odbranjen u roku predviđenom studijskim programom, za svaki sljedeći semestar cijena registracije semestra se plaća u iznosu od 500,00 KM;
 - d) Doktorski studij - u slučaju da doktorski rad nije odbranjen u roku predviđenom studijskim programom, za svaki sljedeći semestar cijena registracije semestra se plaća u iznosu od 1.000,00 KM.
- (2) U vezi odredbe iz tačke a) prethodnog stava, pravilo o plaćanju školarine po ECTS bodu se primjenjuje samo u slučaju da student sve nepoložene predmete može registrovati u istom semestru. Ako je studentu za okončanje studija potrebno da registruje najmanje dva semestra bez obzira na broj ECTS bodova, školarinu izmiruje u skladu sa utvrđenom cijenom studija i postojećom stipendijom.

4. KOMISIJA ZA OCJENU STIPENDIJA / POPUSTA NA ŠKOLARINU

Član 23.

- (1) Ocjenjivanje ispunjenosti uslova u pogledu visine postojećih stipendija studenata Univerziteta, kao i odlučivanje o smanjenju, odnosno povećanju stipendija u skladu sa kriterijima propisanim ovim Pravilnikom, provodi posebna komisija koju imenuje Senat Univerziteta na prijedlog Rektora.
- (2) Komisija iz stava (1) ovog člana ima pet članova, a može biti imenovana i kao stalna.
- (3) Komisiju sačinjavaju talent menadžer kao predsjednik, rukovodioci organizacionih jedinica, te jedan predstavnik iz reda administrativnog osoblja Univerziteta.
- (4) Predstavnik studenata kojeg delegira Studentski parlament Univerziteta ima pravo sudjelovati na radnim sastancima komisije.

Član 24.

- (1) Komisija se obavezno sastaje i analizira stanje ispunjenosti uslova u vezi stipendija nakon završetka popravnih ispita u ljetnom semestru svake akademske godine.
- (2) Preliminarnu rang listu o visini stipendija za narednu akademsku godinu komisija usvaja najkasnije 20 (dvadeset) dana od dana objavljivanja rezultata posljednjeg ispita u popravnom ispitnom roku ljetnog semestra.
- (3) Student – korisnik stipendije ima pravo prigovora RektorU Univerziteta u roku od 3 (tri) dana od dana objavljivanja preliminarne liste.
- (4) Odluka po prigovoru se donosi u roku od 3 (tri) dana od dana podnošenja prigovora i ima svojstvo konačnosti.
- (5) Konačnu rang listu o visini stipendija za narednu akademsku godinu komisija usvaja najkasnije 30 (trideset) dana od dana objavljivanja rezultata posljednjeg ispita u popravnom ispitnom roku ljetnog semestra.
- (6) Konačna rang lista se objavljuje u studentskoj službi Univerziteta.

Član 25.

- (1) Nakon okončanja završnih popravnih ispita u septembarskom ispitnom roku, Komisija se sastaje u cilju revidiranja konačne rang liste, a u skladu sa ocjenama iz septembarskih ispitnih termina.
- (2) Revidirana konačna rang lista se objavljuje na oglasnoj ploči Univerziteta najkasnije do početka nove akademske godine.
- (3) U slučaju eventualnih prigovora na listu iz prethodnog stava, primjenjuju se isti rokovi i pravila kao i u slučaju usvajanja konačne rang liste.

5. PRELAZNE I ZAVRŠNE ODREDBE

Član 26.

- (1) Izmjene i dopune ovog Pravilnika vršit će se na isti način kao i njegovo usvajanje.
- (2) Tumačenje odredaba ovog Pravilnika daje organ koji ga je usvojio.

Član 27.

- (1) Pravilnik stupa na snagu danom donošenja i primjenjuje se od početka studijske 2019/2020. godine.
- (2) Stupanjem na snagu ovog Pravilnika prestaje da važi Pravilnik o stipendiranju studenata na visokoškolskoj ustanovi Internacionalni Burč univerzitet – International Burch University, broj: 01- 683-2/15 od 24.08.2015. godine.

Broj: 01-7/20
Sarajevo, 14.01.2020. godine

PREDSJEDNIK UPRAVNOG ODBORA
Timothy Donald Fisher